



Broj: 04-1626 -2/24
Datum: 16.08.2024

Na osnovu člana 17. tačka c) Zakona o zapošljavanju i pravima za vrijeme nezaposlenosti Brčko distrikta BiH ("Službeni glasnik Brčko distrikta BiH" broj 1/23 i 19/23), člana 27 tačka a) Statuta Zavoda za zapošljavanje Brčko distrikta BiH –prečišćeni tekst (br. 04-111/20, 04-1372/20) i člana 17. stav (2) Pravilnika o mjerama za podsticaj zapošljavanja-prečišćen tekst (br. 04-115/20 i 04-170/23) a u skladu s Odlukom Vlade Brčko distrikta BiH o usvajanju Programa zapošljavanje pripravnika za 2024. godinu u Brčko distriktu BiH (broj: 13-000816/24, broj akta: 01.11-0323SR-030/24 od 07.06.2024. godine, Upravni odbor Zavoda za zapošljavanje Brčko distrikta BiH, donio je Odluku broj: 04-1626/24, dana 06.08.2024.godine, da Zavod za zapošljavanje Brčko distrikta BiH, objavi

JAVNI POZIV

poslodavcima za zapošljavanje pripravnika za 2024. godinu u Brčko distriktu BiH

Svrha ovog Javnog poziva je zapošljavanje pripravnika (visokoobrazovanih mladih lica koja nemaju radnog staža/radnog iskustva) i pružanje mogućnosti zapošljavanja i osposobljavanja mladih lica bez radnog staža/radnog iskustva za samostalan rad u struci. Programom će biti obuhvaćeno zapošljavanje nezaposlenih mladih lica sa visokom stručnom spremom (VSS) sa evidencije nezaposlenih lica Zavoda za zapošljavanje Brčko distrikta BiH (u daljem tekstu: Zavod).

I - Finansijska sredstva

(1) Visina sredstava za ovu namjenu iznosi 1.000.000,00 KM.

(2) Ukupan broj, od 41 pripravnika-visokoobrazovanih mladih lica bez radnog staža/radnog iskustva, koji će biti zaposleni po ovom programu, sa troškom plate (na mjesečnom nivou u bruto iznosu) u iznosu od 2.032,52 KM po jednom zaposlenom licu, usklađen je sa iznosom obezbijeđenih sredstava u budžetu.

(3) Poslodavac je dužan, lice čije se zapošljavanje finansira, zadržati u radnom odnosu 12 mjeseci. Troškove plate (u bruto iznosu) snosi poslodavac, a 100% se refundira od strane Zavoda, u mjesečnim iznosima po Programu iz Budžeta Brčko distrikta BiH, a u skladu sa članom 7. Programa, što dokazuje potpisanim i ovjerenim platnim listama za plate lica čije se zapošljavanje finansira, uz obavezu da izvrše uplate doprinosa i neto plata na ime zaposlenih lica i za isto dostave izvod iz banke.

(4) Sredstva za realizaciju ovog programa osigurana su u Budžetu Brčko distrikta BiH za 2024. godinu u Odjeljenju za privredni razvoj, sport i kulturu na organizacionom kodu 17010001, ekonomskom kodu 614100 -tekući transferi drugim i istim nivoima vlasti - «Transfer Zavodu za zapošljavanje Brčko distrikta BiH za realizaciju Programa zapošljavanja pripravnika» u iznosu od 1.000.000,00 KM.

II – Korisnici Programa

Opšti uslovi za privredne subjekte - poslodavce:

- da je registrovan za obavljanje djelatnosti u Brčko distriktu BiH;
- da redovno izmiruje obaveze po osnovu direktnih poreza i doprinosa za PIO/MIO, doprinose za slučaj nezaposlenosti i zdravstveno osiguranje;
- da nije sankcionisan zbog rada na crno u prethodnih dvanaest mjeseci, zaključno sa danom objavljivanja Javnog poziva;



d) ukoliko je koristio sredstva iz posticajnih mjera za zapošljavanje Zavoda i Vlade Brčko distrikta BiH u posljednje dvije godine, ne računajući tekuću fiskalnu godinu, da je ispoštovao u cijelosti sve ugovorne obaveze;

e) da nije smanjio broj zaposlenih lica na neodređeno vrijeme u prethodnom periodu, računajući broj zaposlenih lica na dan 31.12.2023. godine do mjeseca koji prethodi mjesecu objavljivanja javnog poziva, izuzev u slučaju smrti i penzionisanja lica, s tim da je smanjenje broja zaposlenih lica u privrednim subjektima koji imaju više od 50 zaposlenih lica dozvoljeno do 10% u odnosu na ukupan broj lica, ukoliko se radi o opravdanim razlozima smanjenja broja zaposlenih lica. Opravdanost smanjenja broja zaposlenih lica će cijeniti Komisija za odabir korisnika. U slučaju svojevoljnog napuštanja radnog mjesta poslodavac je obavezan da umjesto tog lica zaposli drugo lice do momenta zaključivanja javnog poziva;

f) da nije registrovan u skladu sa Zakonom o udruženjima i fondacijama Brčko distrikta BiH i Zakonom o mjesnim zajednicama u Brčko distriktu BiH;

g) da nije upisan u područje R Djelatnost kockanja i klađenja, oblast 92.00. u skladu sa Odlukom o klasifikaciji djelatnosti Brčko distrikta BiH.

III - Lica koja mogu biti zaposlena po ovom Javnom pozivu

Opšti uslovi za angažovanje pripravnika-visokoobrazovanih mladih lica bez radnog staža/radnog iskustva:

a) imaju prijavljeno prebivalište u Brčko distriktu BiH minimalno od 31.12.2019. godine ili da je lice rođeno u Brčkom, ili da je lice koje je zaključilo brak sa licem koje ima prebivalište u Brčko distriktu BiH minimalno od 31.12.2019. godine;

b) su rođena 1994. godine ili kasnije;

c) imaju visoku stručnu spremu sa minimumom od 180 ects bodova;

d) se nalaze na evidenciji nezaposlenih lica Zavoda;

e) nemaju radnog staža/radnog iskustva u stepenu stručne spreme za koji se prijavljuje po ovom programu, što dokazuju uvjerenjem nadležnog fonda PIO/MIO i izjavom.

IV – Kriterijumi za angažovanje pripravnika-visokoobrazovanih mladih lica bez radnog staža/radnog iskustva

(1) Kao kriterijum za angažovanje visokoobrazovanih mladih lica bez radnog staža/radnog iskustva uzima se vrijeme provedeno na evidenciji Zavoda za zapošljavanje Brčko distrikta BiH, računajući od dana posljednjeg prijavljivanja na evidenciju sa visokom stručnom spremom.

Ista će biti bodovana za period vođenja na evidenciji i to od datuma posljednje prijave na evidenciju, do datuma objave javnog poziva, kako slijedi: do 1 godine- 1 bod; od 1 do 2 godine – 2 boda; od 2 do 4 godine - 3 boda; od 4 do 6 godina – 4 boda; od 6 godina i više – 5 bodova.

(2) Poslodavci koji apliciraju za angažovanje visokoobrazovanih mladih lica bez radnog staža/radnog iskustva biće bodovani kako slijedi:

a) Pretežna djelatost poslodavca:

1. proizvodna djelatnost- 10 bodova (osnovni broj bodova);

2. ostale djelatnosti- 8 bodova (osnovni broj bodova).



b) Poslodavcima se dodjeljuje određen broj bodova zavisno od broja zaposlenih lica na neodređeno vrijeme, po 1 bod za svako lice.

(3) Broj pripravnika-visokoobrazovanih mladih lica koje jedan privredni subjekt može zaposliti zavisi od broja zaposlenih lica na neodređeno vrijeme u tom privrednom subjektu, u mjesecu koji prethodi mjesecu objave javnog poziva, i to:

- 1-9 zaposlenih lica, maksimalno može zaposliti 1 (jedno) lice iz ove kategorije;
- 10-49 zaposlenih lica, maksimalno može zaposliti 2 (dva) lica iz ove kategorije;
- 50 i više zaposlenih lica, maksimalno može zaposliti 3 (tri) lica iz ove kategorije.

(4) Poslodavci koji apliciraju dužni su obezbijediti adekvatno mentorstvo nad radom pripravnika za vrijeme trajanja ugovorenog odnosa.

V - Način dodjele sredstava

(1) Gradonačelnik će na prijedlog šefa Odjeljenja za privredni razvoj, sport i kulturu imenovati posebnu Komisiju za odabir poslodavaca (u daljem tekstu: Komisija za odabir), koju čine dva predstavnika Odjeljenja i jedan predstavnik Zavoda.

(2) Nakon zatvaranja Javnog poziva Komisija za odabir, u skladu sa objavljenim kriterijumima pristupa provjeri dostavljene dokumentacije i rangiranju zahtjeva poslodavaca.

(3) Nepotpuni, neblagovremeni i zahtjevi podneseni od neovlaštenog lica, neće biti uzeti u razmatranje.

(4) Komisija za odabir sačinjava preliminarnu rang listu poslodavaca sa imenima lica za koja su aplicirali prema broju ostvarenih bodova uz napomenu da, ukoliko više rangiranih lica ima isti broj bodova prioritet se daje nezaposlenom licu sa evidencije Zavoda saglasno dužini čekanja, uzimajući u obzir datum posljednje prijave u tom zanimanju. U slučaju istog broja bodova i nakon navedenog rangiranja prioritet se daje poslodavcu koji ima veći broj zaposlenih lica na neodređeno vrijeme.

(5) Komisija za odabir će donijeti Poslovnik o radu kojim se bliže određuje način rada i odlučivanja.

(6) Komisija za odabir će preliminarnu rang listu objaviti na web stranici i oglasnoj ploči Zavoda na koju aplikanti imaju pravo podnijeti prigovor u roku od pet dana od dana objavljivanja iste.

(7) O prigovoru odlučuje Upravni odbor Zavoda za zapošljavanje Brčko distrikta BiH.

(8) Prigovor se podnosi putem Komisije za odabir, na način da se isti preda na protokol Zavoda.

(9) Komisija za odabir uz pismeno očitovanje na navode iz prigovora, iste dostavlja na dalje odlučivanje Upravnom odboru Zavoda.

(10) Nakon protoka roka za prigovore, odnosno donošenja odluke po prigovoru/ima, Komisija za odabir utvrđuje konačnu rang listu rangiranih kandidata. Lista se objavljuje na web stranici i oglasnoj ploči Zavoda.

(11) Nakon usvajanja konačne liste pripravnika-visokoobrazovanih mladih lica bez radnog staža/radnog iskustva u struci, poslodavci su dužni dostaviti Zavodu, u roku od deset dana od dana objavljivanja konačne rang-liste potrebnu dokumentaciju



navedenu u prijavi i izjavi, nakon čega se sa istima zaključuje ugovor o angažovanju pripravnika-visokoobrazovanih mladih lica bez radnog staža/radnog iskustva u struci.

(12) Ukoliko poslodavci sa rang liste ne dostave traženu dokumentaciju, dostave nepotpunu dokumentaciju ili dokumentaciju koja ne odgovara datoj izjavi, te ukoliko poslodavac odustane od podnesenog zahtjeva ili traženog lica i slično, sredstva će biti dodijeljena sljedeće rangiranim poslodavcima, saglasno redoslijedu na rang listi.

(13) Nakon potpisivanja ugovora, Zavod isplaćuje ugovoreni iznos korisniku sredstava mjesečno, u 12 jednakih rata, što predstavlja 100% ugovorenog troška plate, po dostavljanju dokumentacije navedene pod tačkom (14), poglavlje V, ovog Javnog poziva.

(14) Poslodavac je dužan mjesečno dostavljati Zavodu kao dokaz o ispunjavanju uslova za isplatu sljedeću dokumentaciju:

- a) potpisane i ovjerene platne liste za plate lica čije se zapošljavanje finansira (uz obavezu da za svako pojedinačno lice koje se finansira, na ime, izvrši uplata obaveza, što dokazuje potpisanim i ovjerenim platnim listama za plate lica čije se zapošljavanje finansira, uz obavezu da izvrše uplate doprinosa i neto plata na ime zaposlenih lica i za isto dostave izvod iz banke);
- b) izvod/e iz banke iz kojeg je vidljivo da su uplaćene neto plate i obaveze po osnovu plata za sve zaposlene, u slučaju zbirne uplate neto plata dostaviti spisak sa pojedinačnim iznosima neto plate ovjeren od strane banke, sa pripadajućim izvodom;
- c) Mjesečni izvještaj o isplaćenim platama (obrazac MIP 1023 i obrazac 2002);
- d) Pregled prisustva /odsustva na/sa poslu /a lica finansiranih ovim Programom.

VI - Način i kontrola utroška sredstava

(1) Kontrolu i praćenje izvršavanja ugovornih obaveza vrši Zavod za zapošljavanje.

(2) Zavod kontinuirano prati realizaciju ugovorenih obaveza poslodavca na sljedeći način:

- a) Provjerom dokumentacije iz poglavlja V - Način dodjele sredstava, tačka (14), koju poslodavac mjesečno dostavlja radi pravljanja odobrenih sredstava,
- b) Kontrolom provođenja ugovorenih obaveza neposredno kod poslodavca, ukoliko se za to ukaže potreba.

(3) Ukoliko se utvrdi da poslodavac ne ispunjava ugovorene obaveze, pokreće se postupak raskida ugovora i narednih pet godina neće moći učestvovati u programima zapošljavanja iz budžeta Brčko distrikta BiH.

(4) U slučaju raskida ugovora o radu sa finansiranim licem, poslodavac je dužan odmah o tome obavijestiti Zavod. Od dana raskida ugovora, a samim tim prestaje obaveza Zavoda iz poglavlja V - Način dodjele sredstava tačka (13).

(5) Poslodavac u periodu ugovornog odnosa mora zadržati broj zaposlenih lica na neodređeno vrijeme koje je imao na dan 31.12.2023. godine, uvećan za broj lica čije se zapošljavanje finansira po ovom Programu, izuzev u slučaju smrti i penzionisanja radnika.



VII – Popis dokumentacije koju dostavljaju poslodavci koji budu podržani

Poslodavci čije aplikacije budu podržane, dužni su, u ostavljenom roku dostaviti sljedeću dokumentaciju:

1. rješenje o osnivanju pravnog lica ili preduzetnika;
2. obavještenje o razvrstavanju poslovnog i drugog subjekta prema djelatnosti izdatog od Agencije za statistiku, Ekspozitura Brčko, sa naznačenom pretežnom djelatnošću;
3. kopiju kartona deponovanog/ih potpis/a ovlaštene/ih lica u poslovnoj banci na koju će sredstva biti uplaćivana;
4. uvjerenje/a o izmirenim obavezama sa stanjem mjeseca koji prethodi mjesecu objave Javnog poziva (jul 2024. godine), po osnovu direktnih poreza i doprinosa za PIO/MIO, za slučaj nezaposlenosti i zdravstveno osiguranje, original ili ovjerenu kopiju;
5. obrazac MIP (mjesečni izvještaj o platama) za decembar 2023. godine i za mjesec koji prethodi mjesecu objave Javnog poziva (jul 2024. godine), kojim se dokazuje da broj zaposlenih na neodređeno vrijeme, na dan objavljivanja Javnog poziva nije manji od broja zaposlenih na neodređeno vrijeme na dan 31.12.2023. godine (Izjava u prilogu);
6. potpisanu i ovjerenu izjavu, od strane firme koja aplicira, o obavezi prijave radnika na Fond za penzijsko i invalidsko osiguranje Republike Srpske – Fond PIO RS ili Federalni Zavod za mirovinsko/penzijsko i invalidsko osiguranje – FZ MIO/PIO, ili su obaveze nastale i kod PIO RS i MIO/PIO Federacije BiH (Izjava u prilogu);
7. potpisanu i ovjerenu izjavu, od strane poslodavca, da ukoliko je koristio sredstva iz posticajnih mjera za zapošljavanje Zavoda i Vlade Brčko distrikta BiH u posljednje dvije godine, ne računajući tekuću fiskalnu godinu, da je ispoštovao u cijelosti sve ugovorne obaveze (Izjava u prilogu);
8. i drugu dokumentaciju za koju Komisija ocijeni da može biti od značaja prilikom rješavanja prijave.

VIII – Objava Javnog poziva - trajanje

Javni poziv će biti objavljen na web stranici Zavoda www.zzzbrcko.org.

Sastavni dio Javnog poziva je Prijava za učešće na Javnom pozivu poslodavcima za zapošljavanje pripravnika za 2024. godinu u Brčko distriktu BiH i Izjave. Obrazac Prijave za učešće na Javnom pozivu poslodavcima za zapošljavanje pripravnika za 2024. godinu u Brčko distriktu BiH i Izjave, mogu se preuzeti u Zavodu za zapošljavanje Brčko distrikta BiH ili sa web stranice www.zzzbrcko.org.

Poziv ostaje otvoren od 19.08.2024. godine, do 02.09.2024. godine.

Zahtjev i Prijavu sa Izjavama i potrebnom dokumentacijom na Javni poziv poslodavcima za zapošljavanje pripravnika za 2024. godinu u Brčko distriktu BiH dostaviti putem protokola Zavoda za zapošljavanje Brčko distrikta BiH, kancelarija broj 9., zaključno sa 02.09.2024. godine.

IX – Potrebna dokumentacija uz Prijavu za učešće na Javnom pozivu

U gore navedenom terminu poslodavci su dužni dostaviti:

- Uredno popunjenu Prijavu sa Izjavama,
- Nezaposlena lica sa evidencije Zavoda za koja poslodavci apliciraju po Programu zapošljavanje pripravnika za 2024. godinu u Brčko distriktu BiH, a spadaju u ciljnu grupu visokoobrazovanih mladih lica koje nemaju radnog staža/radnog iskustva, obavezna su priložiti uvjerenje/a nadležnih organa, odnosno, Fonda za penzijsko i invalidsko osiguranje Republike Srpske – Fond PIO RS i Federalni Zavod za mirovinsko/penzijsko i invalidsko osiguranje – FZ MIO/PIO, izdato u periodu od momenta objave, do najkasnije, dana zatvaranja Javnog poziva, a koje poslodavac dostavlja Zavodu, da u



stručnoj spremi u kojoj se vodi, nemaju radnog staža, kao i potpisanu Izjavu koja je sastavni dio Prijave poslodavca.

- Obavještenje o razvrstavanju poslovnog i drugog subjekta prema djelatnosti izdatog od Agencije za statistiku, Ekspozitura Brčko, sa naznačenom pretežnom djelatnošću.

X – Rok žalbe

Žalbe na objavljenu preliminarnu rang listu mogu se uputiti Upravnom odboru Zavoda, u pisanoj formi u roku od pet dana od dana objavljivanja, sa naznakom „Žalba na Rang listu po Javnom pozivu poslodavcima za zapošljavanje pripravnika za 2024. godinu u Brčko distriktu BiH,, predajom istih na protokol u Zavodu za zapošljavanje Brčko distrikta BiH, ulica Fra Šimuna Filipovića br. 2.



Predsjednik Upravnog odbora Zavoda

/ Ilija Goričkić, dipl.oec. /